

**ILULISSANI NAJUKKAMI ATAATSIMIITTALIAP
ILEQQUUSUMIK ATAATSIMIINNERA
TALLIMANNGORNEQ ULLOQ 13. DECEMBER 2024 NAL. 15:00**

Peqataasut: Brian Grønvold, siulittaasoq
Paarnannguaq Mathiassen, ilaasortaq
Jonas Fleischer, ilaasortaq
Elin Andersen, ilaasortaq
Lena Ravn Davidsen, Kommunalbestyrelsimit toqqangaq

Pisortaq: Palu Eriksen, allattoqarfimmi pisortaq
Imaqarniliortoq: Allaffimmi pisortaq
Immikkut peqataasut: ~~Jens Dalager~~

Nutserisut:
Ingerlannera: Ammasoq

| ILUNA | SAMMISAT | BILAG |
|--------------|--|--------------|
| | Ilisimasitsissutit | ~ |
| 014 | Budget 2025 | 001 |
| 015 | Aqqutit nutaat atissaannik Teknikkeqarfiup tusarniutaa | 002 |
| 016 | Ullut ataatsimiiffissat 2025 | 003 |

Ilisimatitsissutit:**Oqaluffiup qullilersortinnissaa aammalu Arsaaffimmi illuaqqat**

Suliassat suliarinnittussarsiuunneqarlutillu, ilaatigut Nunatta Katersugaasivianut qinnuteqaat Teknikkeqarfimmut suliakkuunneqarpoq, Teknikkeqarnermut Pisortaaneq Hans Inûsogtok' isumaqatingalugu. Tassani suliarinnittussarsiorneq inatsisit malillugit suliarineqassapput sanaartortinneqarlutillu.

Atersuarni pinnguartarfik nutaaq

INI A/S ilisimatitsipput Ataatsimiititaliap kr. 250.000-inik tapiiffiginikuusaa pinnguartarfik ikkussuunneqarluni aallartissimasoq.

Aningaasaqarneq

Lokaludvalgit immikkut aningaasaqarnissaat sulissutigineqarnikuuvoq, Peqqinneq Sunngiffiullu 10% tingusartangaat pappiliarsornarnermut. Taamaattumik konto immikkut aaqqinneqarsimavoq, tassani aningaasaatigut kisitta nuisalerlutik. Aammattaaq pinnguartarfissualiornissamik sanaartortitsiniarnerput peqqutaalluni, aningaasat årsbudget malillugu nunguttariaarupput, aappaagussamut aningaasat sinneruttut ingerlaqqissinnaangormata.

| | | | |
|------------------|--------------------|--------------------|------------|
| Sag nr. | Sammisag | Bilag nr. | 001 |
| ILUNA 014 | Budget 2025 | Journal nr. | |

Uteqqiineq:

Ataatsimiititaliap ileqquusumik budget-mødertarpoq, aappaangussamut aningaasartuutissat inississorlugit. Ilaatigut aningaasat siornatigut immikkoortinneqartarsimapput ukununnga; Tusarniaanermut aningaasartuutit, Kultureqarnermut tunngasut, timersornermut tunngasut aammalu Inuiaqatigiinnut sulissutigineqartunut tunngasut. Ataatsimiititaliap aaliangiiffigissuaa aappaagumut budget qanoq isikkoqassanersoq, tassani aningaasat kr. 2.567.500,00 (2.567 mio.) Taakkunannga 10% Peqqik Sunngiffimmut illikartinneqareerpata aningaasat atorsinnaasut tassaassapput kr. 2.310.750.

Suliap saqqummiunnera:

Ilulissani Sumiiffimmi Ataatsimiititaliamut aningaasaliissutaasussat aappaagumut katillugit kr. 3.567.500 kommunalbestyrelsimit tunniunneqarput, tamanna innuttaasut amerlassusaanniit kisinneqartarpoq. Taakkunannga 10% Peqqik Sunngiffimmut nalunaarsoqqammata, Najukkami Ataatsimiititaliap tingusussanngorpai aningaasat kr. 2.310.750,00. Taassuma saniatigut aningaasat kr. 1.453.292,80 ukioq 2024-miit sinneruttut, aappaagumut ingerlaqqissapput, taamaalilluni aningaasat tamakkiisumik killeqalerput kr. 3.764.042,80.

Iluarsiinissamut siunnersuut – sammisanut tunngatillugu nalilersuineq

Ataatsimiititaliap siornatigutut aggulunnissaannut periarfissaqarput, taamaasiornikkut innuttaasut kissaataat suungaluartut siammasissumik tunineqarnissaat qulakkeerneqassammat. Taassuma saniatigut pinnguartarfissualiornissamut suliniummut aningaasanik illikartitsisarnissaq Ataatsimiititaliap aaliangiiffigisariaqarparaa. Siunnersuutigineqarsinnaavoq immikkut underkonto-mik sanatitsilluni aningaasat suliniummut nuunneqarsinnaanissaat, ilaatigut innuttaasut aammalu suliffeqarfiit suliniummut tapersiisut ikisiffissaqarnissaat qulakkeerusullugu.

Ingerlariaqqinnissaq

Ataatsimiititaliap aaliangeereerpat, innuttaasut kissaataat malillugit suliniaqqinnissaq aallartissaaq. Pingaaruteqarpoq agguariaasitoqal malillugu aaqqiisinnaaneq, ukioq 2025 tassaammat ilaasortanik nutaanik qinersivissaq. Pingaaruteqarporlu ilaasortassanut nutaanut kusanartumik torersumillu ingerlatitseqqinnissaq, ilaatigut suliniutisi ingerlalereersimasut torersumik naammassinissaat eqqarsaatigalugu.

Aningaasaqarnermui kingunerisinnaasat:

Aningaasat kr. 3.76.042,80 siornatigut aaliangiunneqartoq malillugu ukioq 2025 nungunneqartariaqanngillat, suliniutigineqartoq peqqutaatillugu aningaasat ingerlaqqittarnissaat inassutigineqareernikummat.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Ilulissani Najukkami Ataatsimiititaliap

Inassuteqaat:

Allattoqarfimmiit Ilulissani Najukkami Ataatsimiititaliamut inassuteqaatingaa Budget 2025-imut piareeqqullugu, ajornanngippat Tusarniaanermut, Kultureqarnermut, Timersornermut aammalu Inuiaqatigiinnut sulissutigisassanut aningaasat agguloqqullugit.

Bilag 001-01: Aningaasaqarneq 2024

Bilag 001-02: Aningaasaliissutit 2025

Aaliangiineq:

Ukioq 2024 aningaasat sinneruttut pinnguartarfiliornissamut nuunneqassapput – ca. 800.000kr.

2025-imut aningaasaliissutit 2.31 mio aggulunneqarput:

Pinnguartarfiliornissamut aningaasaliissutaasuniit 35% illikartikkallarnejassapput (800.000)

Tusarniaanermut 5% (115.500)

Kultureqarnermut 20% (462.000)

Timersornermut 20% (462.000)

Inuiaqatigiinnut tunngasut 20% (462.000)

Katillugit 2.301.000 kr.

| Sag nr. | Sammissaq | Bilag nr. | |
|-----------|---|-------------|--|
| ILUNA 015 | Ilulissani aqquserngit atserneqarnissaannik unammisitsineq. | Journal nr. | |

Uteqqiineq:

Politikkikkut aalajangertoqarnera tunngavigalugu, Ilulissani eqqaavissuup qanittuani inuussutissarsiuteqarfittaassami mittarfittaassallu aqputaani aqquserngit qanoq ateqarnissaat pillugu unammisitsisoqarnikuuvoq. Ataatsimiititaliaq qinnuigineqarpoq aqquserngit atserneqarnissaat pillugu aalajangeeqqullugit, ilanngussami aqqit siunnersuutigineqarsimasut arlaannik. Periarfissaavoq aamma aqquserngit atissaannik allanik siunnersuuteqarnissaq, ilanngussami siunnersuutit tulluannigippata.

Suliamik saqqummiussineq:

Ataatsimiinnermi 01-24-imi pkt. 24-006-imi unammisitsisoqarnissaa aalajangiunneqarpoq. Ataatsimiititaliap ataatsimiinnermi nr. 01-24-imi piumasaqarnera tunngavigalugu pilersaarusiornermut immikkoortortaqrarfiup, najukkami oqartussaasut aamma Najukkami ataatsimiititaliaq peqatigalugit, Ilulissani aqquserngit ateqanngitsut pillugit misissuataarisimavoq. Aqquserngit atserneqarnerisigut immikkoortortani allaffissornikkut oqilisaanissaq aallaqqaataaniit anguniarneqarpoq. Ataatsimiititaliaq qinnuigineqarpoq aqquserngit atissaattut siunnersuutigineqartut, ilanngussami takuneqarsinnaasut, isummerfigeqqullugit.

Tamatumunga atatillugu aqquserngit tallimat atissaannik siunnersuutiniq pissarsiniarluni unammisitsisoqarpoq. Kommunimi innuttaasut periarfissaqarnikuupput siunnersuuteqarnissaminut. Innuttaasut siunnersuutaat tunngavilersuutitallit ilanngussami takuneqarsinnaapput. Ilanngussaq imaqrarportaaq aqqit qanoq allanneqarnissaannik kukkunersiugaangallartunik.

Teknikkimut ataatsimiititaliap aqquserngit atissaattut makku siunnersuutiginiuuai.:

- Aqqusineq nr. 1: Anthon Geislerip aqqutaa
- Aqqusineq nr. 2: Sassiap aqqutaa
- Aqqusineq nr. 3: Nikolaj Krusep aqqutaa
- Aqqusineq nr. 4: Sven Christensenip aqqutaa
- Aqqusineq nr. 5: Suulut Olsenip aqqutaa

Aqquserngit atissaattut siunnersuutit kommunalbestyrelsiq ataatsimiinnerani akuerineqanngillat. Aqquserngit pineqartut atissaattut siunnersuuteqarnermi aallaavigineqarsimapput aqquserngit pineqartut qanittuini sumiiffiit taaguutaat. Allattoqarfik misissueqqissimavoq sumiiffinni ataasiakkaani kalaallisut taaguutaat atuuttut pillugit, inernilussimallugulu aqquserngit 2-5-ni ataasiinnaq kalaallisut sumiiffik aallaavigalugu ateqartinneqartoq atorneqartoq tassalu Qaqqullit Qaavat. Tamanna periarfissiivoq aqquserngit 2-5 timmissat aqqinik atsernissaannut. Mittarfiup nutaap tungaanut aqqusineq atserneqarsinnaavoq: Qernertunnguit – Qernertunnguit tamaaniittoq atsiullugu.

Iluarsiiissutissatut siunnersuut – suliamik nalilersuineq

Ataatsimiititaliaq qinnuigineqarpoq aqquserngit ataatsimut atissamik ataatsimik siunnersuuteqarqullugu, politikikkut suliarineqarnissaanut ingerlatitseqqiinissaq sioqqullugu. Aqquserngit 1-mut Qernertunnguit, tamaani qanittumiittoq atsiunneqarsinnaavoq. Aqquserngit 2-miit 5-imut timmissat aqqi siunnersuutiniittut Nunatsinniluunniit timmissat aqqi allat atorneqarsinnaapput.

Ingerlariaqqinnissaq

Aningaasaqarnermut ataatsimiititaliami kommunalbestyrelsimilu politikikkut suliarinnereernerup kingornatigut allaffissornikkut makku isumagisassaapput:

- Nunaminertanik atugassiinerit tamaaniittut aqquserngit nutaamik atserneqarnerisigut nutarterneqassapput.
- Aqquserngit aqqisa sumut killeqarneri atuuttut allannortinneqassapput nutaallu pilersinneqarlutik.
- Aqquserngit inuit aqqinik atserneqassappata, atsiunneqartussamut ilaqutaasut akuersitinneqarsimassapput.
- Aqqit qanoq allanneqarnissaat Oqaasileriffimmit ”akuerineqassapput (Oqaasiliortut aqqit pillugit

akuersineq ajorput; kisianni qanoq allanneqarnissaat pillugit siunnersuisarput).

- Aqquserngit aqqinik allannguinnermi susassaqtartut tamarmik ilisimatinneqassapput: Asiaq (nunap assiliorneq), Ingerlatsinnermut immikkoortortaq (aqquserngit aqqisa allagartaannik sanatitsineq), Sullissivik (inuit allattorsimaffiat, aqqusernit kode nutarterneqassammata), Najukkami politiit, Tusass, Nukissiorfiit, Upalungaarsimasuutitat aamma najukkami napparsimmavik (ikiuiartorasuarnissaq eqqarsaatigalugu).

Aningaasatigut kinguneqaatissat:

Annikitsuinnarmik aningaasatigut kinguneqaateqassaaq, aqquserngit aqqisa allagartalerneqarnissaat eqqarsaatigalugu. Aqquserngit aqqisa pioreersut allanngortinnerat aamma pisortanut allanullu allaffissornikkut suliaasartaqalaassaaq.

Inatsisitigut toqqammavigisat:

- Nunat Aqqinik Aalajangiisartut pillugit Inatsisartut inatsisaat nr. 4, 1. juuni 2017-imeersoq
- Oqaasiliortut pillugit Inatsisartut inatsisaat nr. 5, 1. juuni 2017-imeersoq

Suliarineqarfia:

Najukkami ataatsimiititaliaq, Ilulissat
Teknikkimut ataatsimiititaliaq
Aningaasaqarnermut ataatsimiititaliaq
Kommunalbestyrelsi

Inassuteqaat:

Allattoqarfiup Najukkami ataatsimiititaliamut inassutigaa:

- Ilulissani aqquserngit 1-5-imiit allassimasut atissaannik toqqaqqullugit

Ilanngussat:

Bilag 002-01: Nunap assinga, Ilulissani aqquserngit ateqanngitsut
Bilag 002-02: Timmissat aqqi

Aalajangiineq:

Elinip siunnersuutaa:

Aqqut 1: Qasigiarsuarnut

Aqqut 2 & 5: Qaaqqat Qulaat

Aqqut 3: Tulukkat

Aqqut 4: Teriannissat

Siunnersuutaasut ataatsimiititaliamit taparserneqarput.

| Sag nr. | Sammissaq | Bilag nr. | 001 |
|-----------|--|-------------|-----|
| ILUNA 016 | Ilulissani Najukkami Ataatsimiititaliap ukiumi 2025-mi ataatsimiinnissaata ullulernereri | Journal nr. | |

Uteqqiineq:

Najukkami Ataatsimiititaliap ataatsimiinnermi kingullermi ukiup tullissaanimut ataatsimiinnissani pilersaarusiortussaavai.

Uani suliami Najukkami Ataatsimiititaliap ukioq 2025-mi ataatsimiitaarnissami ullulernerneqarnissaat oqaluuserissuai aaliangiiffigalugillu.

Suliap saqqummiunnera:

Kommunalbestyrelsip ileqquusumik ataatsimiinnerit qaqugu sumilu ingerlanneqassanersut aaliangissagaa, kommunit aqunneqarnerat pillugu Inatsisartut inatsisaanni aaliangersagaavoq. Tamanna tunngavigalugu Avannaata Kommuniani kommunalbestyrelsi ukioq 2025-mi ileqquusumi ataatsimiinnissani ulluni 7. marts, 18. juni, 12. september aamma 21. november pissasut aaliangiivoq, ullut taaneqartut tunngavigalugit ataatsimiititaliat ataavartut ataatsimiiffissaat ilanngullugit ullulersorneqarput. Najukkami Ataatsimiititaliat ullut ataatsimiiffissaani nammineq aaliangiiffigissavai.

Iluarsiinissamut siunnersuut – sammisanut tunngatillugu nalilersuineq

Najukkami Ataatsimiititaliap ullut ataatsimiiffissani namminneq aaliangiiffigissuai. Allattoqarfimmiit ullut ukua ataatsimiiffissatut inassutaapput:

Marlunngorneq 11. marts 2025

Marlunngorneq 29. april 2025

Marlunngorneq 24. juni 2025

Marlunngorneq 5. august 2025

Marlunngorneq 7. oktober 2025

Marlunngorneq 2. december 2025

Aningaasaqarnermi kingunerisinnaasat:

Soqanngilaq

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsimiititaliaq

Ilanngussat:

Bilag 003-01: Mødekalendar 2025

Aaliangerneq:

Ulluliussat akuerineqarput, immikkut ittumik ataatsimiissinnaanerit akuerineqarlutik.

Ataatsimiinneq naavoq nal.:

Atsiorfissaq:

Brian Grønvold, Siulittaasoq

Elin Andersen, ilaasortaq

Paarnannguaq Mathiassen, ilaasortaq

Jonas Fleischer, ilaasortaq

Lena Ravn Davidsen,
kommunalbestyrelsesimit toqqagaq
